

# Alkitab Buat Bocah

## Nampilin

Janji Tuhan  
buat  
Abraham



Nyeng nulis: Edward Hughes

Nyeng bikin gambar: Byron Unger; Lazarus  
Alastair Paterson

Nyeng nyocokin: M. Maillot; Tammy S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.





Betaun-taun abis  
aer bandang, orang-  
orang di bumi bikin  
satu niat.



"Nyok kita diriin buat kita  
satu kota ama menara nyeng  
pucuknya nyampe ke langit,"  
mereka pada ngomong.





"Nyok kita cariin nama, biar kita kaga sampe pada mencar ke seluruh bumi." Tiap orang ngomong cuman pake satu bahasa nyeng sama.





Tuhan pengen orang-orang pada idup di seluruh bumi nyeng dijadiin-Nya. Lantas Dia udah bikin sesuatu nyeng paling luar biasa.





Mendadak, kelompok orang-orang itu pada ngomong pake bahasa nyeng belaenan. Tuhan ngasih mereka bahasa-bahasa nyeng baru.



Mereka nyeng ngomong pake bahasa nyeng sama pindah ke tempat laen bareng-bareng. Bisa jadi orang-orang pada takut mereka kaga bisa ngarti nyeng satu ama nyeng laen.



Liwat cara ini, Tuhan bikin manusia nempatin negara-negara nyeng beda-beda. Kota nyeng mereka tinggalin namanya Babel, nyeng artinya Kebingungan.



Betaun-taun nyeng udah-udah,  
di satu tempat nyeng  
namanya Ur-Kasdim,  
Tuhan ngomong sama  
seorang lelaki nyeng  
namanya Abram.

"Pegih dari tanahmu,"  
Tuhan menyuruh.  
"Pegih ke tanah  
nyeng bakalan  
Aku tunjukkin  
kepadamu."



Abram nurut ama Tuhan. Tuhan mimpin dia ke tanah Kanaan. Bininya Sara ama ponakannya Lot pegih juga bareng sama dia.



Di Kanaan, Abram ama Lot mereka bedua jadi kaya raya. Mereka punya banyak bangat kambing domba.



Tukang angon Lot ama tukang angon Abram pada brantem. "Ayolah jangan pada brantem kamu sama aku," bilang Abram. "Pisahin dirimu dari aku. Lot, kamu nyeng duluan milih tanah nyeng kamu pengen."



Lot milih tanah nyeng rumputnya  
gembel sama kota-kota ama  
desa-desa disekiterannya. Itu  
keliatannya bagus bangat.





Abis Lot pegih, Tuhan ngomong lagi sama Abram. "Aku bakal ngasih semua tanah Kanaan buatmu ama buat anak-anakmu buat selamalamanya." Abram ama sara kaga punya bocah.

Pegimana bisa  
Tuhan ngasih  
janji nyeng  
luar biasa  
kaya gitu?



Tiga orang suruhan Tuhan dateng  
nemuin Abram ama Sara. "Kamu bakalan lekas  
punya orok," mereka bilang. Sara ngakak.





Dia kaga yakin ama pesen Tuhan. Dia udah berumur sembilan puluh taun. Tuhan besabda Abram bakal dipanggil Abraham dan Sara bakal dipanggil Sarah.



Tuhan juga bilang  
sama Abram Dia  
bakal ngancurin dua  
kota nyeng jahat  
Sodom ama Gomora.  
Ponakannya Abraham  
lot netep di Sodom  
sama keluarganya.



Lot yakin waktu  
peringatan Tuhan  
itu disampein, tapi  
laki bocah  
perempuannya  
kaga mao pegih  
dari Sodom.

Sedih bangat!  
Mereka kaga  
percaya Sabda  
Tuhan.



Cuman Lot ama kedua anak gadisnya nyeng selamet. Api ama belerang turun di atas kota-kota nyeng jahat itu.



Sedih bangat, bininya Lot kaga  
nurutin ama peringatan Tuhan dan  
udah nengok ke blakang pas dia  
lari. Dia berubah  
jadi tiang garem.



Tuhan nepatin  
janjiNya kepada  
Abraham ama  
Sarah. Mereka  
punya seorang  
bocah saat  
usia tua  
mereka, kaya  
apa nyeng  
Tuhan bilang.  
Girang bangat  
pas Ishak  
diberanakin.



Bisa jadi Abraham  
juga bepikir soal janji  
Tuhan nyeng udah  
dikasih buat dia ama  
bocahnya soal tanah  
Kanaan. Tuhan  
bakalan nepatin



janjiNya  
juga.

Tuhan selalu  
nepatin janjiNya.

Janji Tuhan buat Abraham

Sebuah cerita dari perkataannya Tuhan, Alkitab

Ditemuin di

Kejadian 11-21

“Palang pintu Firman Engkau ngasih terang.”  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

